



إنسان

خواطر شعرية

إنسان

أسماء يحيي

الإخراج الداخلي : إسلام الحمادي

تصميم الغلاف : مصطفى أبو مسلم

مدير النشر: أحمد خطاب

رقم الإيداع: 25952 - 2017

الترقيم الدولي: 3-26-977-978

الطبعة الأولى: 2017

إشراف عام : أحمد عبد الجواد



مؤسسة عابر للنشر والتوزيع



01007677910 - 01111883712



3aberorg@gmail.com



www.3aber.org



عابر 3aber

جميع الحقوق محفوظة، وأي اقتباس أو إعادة طبع أو نشر في أي صورة كانت ورقية أو إلكترونية أو بأية وسيلة سمعية أو بصرية دون إذن كتابي من الناشر، يعرض صاحبه للمساءلة القانونية.



إنسان

أسماء يحيى



أنا تايه

في بحر عنيكي أنا تايه وشففت كثير
قريت فيهم بأن الحب جواكي ما لوش آخر
أنا نفسي ألاق قلبي جواكي
ودايب بس في هواكي
ساعتها بس هعوز أنا إيه
ده غير إنك تحني عليه
أنا عاشق .. ومجنون بيك
أنا بتمنى نظرة حب جوه عنيك
ساعتها همس إني الدنيا في أيديا
وإني انا عشت حب كبير ما لوش آخر
بيمل عليا دنيايا واكون بيه أمير
يا هتكوني
أميرة حب جوايا
يا هاعمل من سفينة قلبك المحبوب
قصايد عشق عن قصة وحب كبير

بموت فيكي

بموت فيكي
وحاب صورتي في عنيني
ومش هتخيل القلبين يشوفوا البعد
ويصبح قلبي من بعدك
لحد في يوم غير ليكي
أنا مفتون ودايب بس من نظرة
ولعينيكي
حببتي أنا مهما عمري يكون
سنة.. أكثر.. وحتى شهور
هتبقى أحلى أمنية
تكون ليا

سرحت فيكي

واقفة جنبي
سرحت فيكي
وقت حلمي
حلمت بيكي
شوفت سمكة وبحر غارق
كون مفارق بحر حبك
وقلب أسر روحه فيكي
ولما نصحى يوم نلاقي إنه حلم
اعرفي
لو لقيتي حد تاني وكلمك

أوردود والقلب غارب
لولاقيتي القلب شارب مية مالحة
يبقى تاه في بحر حبك
صعب يرجع مرة ثانية
إلا لما تقولي كلمة، هي ثانية
وقتها راح تعرفي

الي كنتي واقفة بيه
شوق مصدق كل كلمة حب حلوة
قولتي ليه
وانه عاشق قلب حن وحس بيه

آه مجبك

أيوه حاب كل حاجة فيكي انتي
ضحكتك .. طبيبتك .. واسمك
قلبك الهادي وسيرتك
سر اهتمامك وتوكة غازلة شعرك
حبي الي مدارياه في قلبك
كل تفاصيلك عاشقها
حتى غيرتك
وافتعالك للخناق عشان أصلحك
طب هصالح بس شارط
المره الي جاية
زودي غيرتك شويه
أصلها من دون ما تدري
بتبيني إني حبيبك
فيظمن قلبي شويه
ولاً يعني كثير عليا

طعم السُّكَّات

برغم كل الحاجات
الي عدت والي لسه والي آت
حلوة يمكن ولا مرة ولا بطعم الأهات
لسه شايفك زي ما انت
أيوه حابب أشوف سعادتك
فرحتك وانبساطك وسط البنات
واني دايمًا شايفك انتي أحلى نجمة

آه هاممني تكوني جنبي في كل وقت
واني أضملك جوه حضني من سكات
واسمعك كل الحاجات
كل حاجة حكاية تانية
تعرفك إنك أميرتي
وارجع أنسى وافتكرك إنك بقيتي مستحيل
رغم كل محاولة ليا

واني نفسي تكوني ليا
لكن الرب بيشاء
إني دايم لما اشوفك
أفتكر طعم السكات

خبيني من عيون الناس

خبيني من عيون الناس
ومن مركب في بحر العجز
عرفيني قوس قزح
رجعيني ثاني شاب
أيوة حاسس إني عاجز
واني فعلا كنت عاجز
أحكي ليكي واشكي ليكي
وابقي وأنا قدام عنيكي
سامعة شكوى من لساني
لا بقلبي .. أصلك انتي بتفهميه
واما تلقى دمة مئي عايزة
تخرج عن أسر عيني
تلحقي تضميني ليكي
حزن ينسيني اللي كان
ويحسني بالأمان
وانك لسه واقفة جنبي
وترجعي تقويني ثاني

واني بيكي هابقي ساري عدى بيا للأمان
 مهما كانت المشاكل
 والمتاعب واللي كان
 بس يا خسارة لقيتني
 فقت تاني وانك مش قدام عيني
 وان موتك جه سبقي
 قبل ما اشكي وتطمنيني وتحني عليا ..

وحشتيني

وحشتي قلبي وعيوني
وكل منايا لو أشوفك
وادوب من نظرة لعيونك
بعادك عني جنني
وزود شوقي جوايا
وقلبي كتير يكلمني
وعن حبك يفهمني
إنه كتير بيشتاق لك
وينده لك وإنه
بيسمع ندا قلبك
بيبعث له ويشرح له
حنينك ليه وحبك ليه
فمن فضلك يطول عمرك
تحني علينا بالظلة ولو نظرة
لعاشق قلبه مش بإيديه

ألبوم صور

غمضت عيني وسرحت
فجأة ظهر ألبوم صور
أفتح .. واشوف .. وافتكّر
ولا أنسى الذكريات
كملي خسرانة إيه
مجلوها أو مرها
أهي ذكريات
بصيت لقيت صورة حبيبي
كان من نصيبي
وبقيّة صور
وشوش كثير.. وزهور.. وفرح .. وأيام سعيدة
فجأة حياتي اتبدلت
وأمال كثير اتهدمت
بعد الخبر.. وشوش تانية بتنتظر
جثمان حبيب
وكنتي عايشة بتسمعي كلمات كثير
بتواسي فيكي

ومنها طولت العمر ليكي
ويطول لمين ؟
ما هو راح خلاص
راح الي كانت جنتي أنا بين إيديه
وحنان الدنيا كله في نظرة من عينيه
فجأة انتبهت على صوت بينادي ماما
وقلت يا ريت ما سرحت ما هو
ساب لي في دنيتي حنة منه
بنتي وحببتي
ودعيت بقلبي ..
يا رب تجمعنا بيه في جنتك .

أوقات كثير بتشد أنا ليه

أوقات كثير بتشد أنا ليه
يمكن لحاجات كثير جواه
أيوه أنا برتاح لكلامي معاه
جائز لسعادتي وقت لقاه
يمكن حسّاه .. فاهماه .. أو بتمناه
جائز إحساسي إن أنا عاجباه
بس الأكيد مشدودة أنا ليه

معاك

عمري الي قبلك ما حسبت هوش
بس ابتدا من يوم لقاءك
عدت سنين وذكريات
معاك قضيت أحلى الأوقات
وياك عدى العمر في ساعات
في هواك أنا ليا حكايات
لو تكتب عايزة روايات
لو لسه ليا أمنيات
يبقى أكمل عمري معاك

ابنك الليلة شهيد

ساكت ليه يا حاج
وبمرارة قلب رد
هحكي لك يا ولدي
كنت قاعد جوہ بيتي
بحكي مع أم العيال
باقي كام يوم يا زينب
والقى ولدي يبقى جاي
عايز ألحق أكفي عُرسه
لاجل ما يجيب لي العيال
ويبقوا أحفادنا يا زينب
أروي بيهم أرض قلبي
اللي عطشها غيابه
بس اللي مصبرني يا زينب
إنه جندي بيحامي أرضه
فجأة أسمع خبط جامد
قمت أفتح

وزينب من جوه بتنده هااا محمد
لأ يا زينب ده صاحبه جاي
طوّل النظرة وقال لي والدموع
نازلة في قلبي من الي فهمته
من عينيه والي شايله بين إيديه
لبس ولدي وورقة منه
قلت له صاحبك يا حمدي
الي فرحه الخميس
راح حضّي وقال لي صاحبي
صاحبي راجل مات شهيد ابنك الليلة عريس
بس مش في الأرض لكن
عُرسُه لما اختاره ربه
يحمي وطنه ويروي أرضه
آآآه بدمه بس حي عند ربه
وافتكر زينب وقال
مش هتتحمل كلامك
طب هقول إيه لأأم العيال
بس ده ولدها الوحيد
كان على أربع بنات

لسه هتلقّت وانا دي

يا

أتاريها واقفة تسمع

كل الي دار بينا وهي

وشّها مرسوم له بسمّة

والدموع نازلة عليه

فجأة ندهتني يا حمدي

صاحبك محمد راح خلاص

آآآه يا أي بس والله ما هسكت

طار صاحبي مش ناسيه

أنا راجع يا أي هاخده

بس تدعي لي يا أي

يا اخده واجي أفرح قلبك

يا تلاقيني جار محمد

إنت عارفه إنه صاحبي

أّة واخويا من سنين

بس عارفة لو لحقته

والله هسلم لك عليه

هو بعينها

ضحكة صافية
ونفس راضية
وقلب رافض للموم
تحكي يسمع
أي حرف بتنطقه
تشكي يحفظ
أي سر بتعلنه
تبكي يمحي
أي دمة تسكن عينين
تمشي يحزن
أصلك انتي بتوحشيه
حتى لو قدام عينيه
بتبقي برضه بتوحشيه

محتاجه لخصك

كل شيء مر في حياتي
كل حاجة حاصلة بعدك
قسوة .. شكوى .. عافية رايحة
حتى مشكلتك همومك
آه محتاجة أقول واحكي
آآآه أقولها نار بحرقه
يمكن اخلص من مشاكلي
بس مش هقدر أفضفض
واحكي وعينيا بتبيكي
إلا وانا نايم في حضنك

بمحتاج لك

كثير محتاج تكون جنبي
كثير بتمنى لو تفضل حبيب عمري
بحب حاجات كثير جواك
حبك .. حنيتك .. غيرتك
خوفك عليا .. الاهتمام ..
حتى الكلام للملام والعتاب
بسگت عقلي وبقلبي بسمع لك
عشان عارفة ورا عتابك ده حب كبير
عشان طيبتك وعشان أفضل أستهلك
يا حب كبير ما فيش حاجة تأثر فيه
لا بالشكوى .. ولا الكلمة الي من ورا ضيق
عشان قلبك أنا خبيته جوايا
يا روح الروح
فمش سهل اني أفرط فيه
بغير شهقة خروج الروح.

حد ثاني

كنت فاكر إني أهمك
واني كل حاجة عندك
واني مش محتاج أقول لك
إني من زمان بحبك
واني من غيرك أسير
واني بيكي هكون أمير
كنت هايم بس بيكي
كنت كتير بحن ليكي
أو حتى لنظرة من عنيني
كان نفسي أقول لك ..
قد إيه قلبي حبك
وإنه كتير اشتاق لودك
وإنك عندي.. حد ثاني
بس يا خسارة لقيتني
يوم ما جيت أحكي واقول لك
على اللي قلبك عمله فيا

كان سبقني حد ثاني
آه عرفت إنه حبك
آه سبقني وفاز بقلبك
بس أنا مش أناني
ومجد من قلبي بقول لك
مش هأممني غير سعادتك
حتى لو مع
حد ثاني
قويني بيكي
أيوه محتاج تبقي جنبي
نفسي ما فضلشي لوحدني
قويني بيكي
إنتي سندي وقت ضعفي
إنتي فرحي وقت حزني
قويني بيكي
تبقي في الشدة حبيبي
تبقي في الفرحة أميرتي
قويني بيكي
قلبك عندي كل حاجة

وانا من غيرك ما ابقى حاجة
قويني بيكي
نفسي أضمك بس ليا
قلب ينسيني الي بيا

بجر عنيكي

في بحر عنيني أنا تايه وشفث كثير
قريت في الموج
بان الحب جواكي ما لوش آخر
وشفت شراع
عليه مكتوب
أنا نفسي ألاقي قلبي جواكي
ومجدافي عليه منحوت
ودايب بس في هواكي
سألني مراكي من الراجحين
ساعتها بس هعوز أنا إيه
ولوح طايف على نهر الجميل منقوش
أنا عاشق .. ومجنون بيكي
أنا بتمنى نظرة حب دايبة في موجة جوه عنيني
ساعتها هحس بإني ملكت الدنيا في أيديا
وإني عشت حب كبير ما لوش آخر

بيملى عليا دنيايا واكون بيه نبيل
ويبقى البحر في قلوبنا
مراكبي ومركبة والنيل

مش أناني

حد مش جواه أناني
أيوه رافض إني أثور
رغم كل حي ليكي
رغم قلب داب فيكي
رغم كل جميل ما بينا
كنتي شايفانا أصدقاء
وكننت فاكره حاجة تانية
فجأة.....

جيتي تحكي إنه حبك
وانك فعلا حبتيه
كل كلمة خارجه منك
سهم جارح دون ما تدري
أيوه عارف إنه مش ذنبك ساعتها
باللي محبيه قلبي ليكي
ومداريه أنا من سنين
كنت جاية تاخدي نصيحتي
ما انتي شيفاني صديقك

أوأخ ليكي تحكي ليه
عمر عينك ما لمحت
قلب صامت بتعذبيه
لكن رغم كل شيء
قلت لك إيه تعمليه
وازاي تحافظي عليه
وانه يفضل قلبه ليكي
أيوه لسه قلبي ساكت
أصل خلاص ما بقاش يفيد صوت أنينه
مش هتفيد أهاته لكن..
صوت سكاته هيحافظ لي
على اللي باقي ليا فيكي
آه خسرت حب قلبي
لكن مش هخسر كمان
قلب صديقة وأخت ليا
أنا إنسان..
أنا مش أناني.

لسه عايزك

رغم كل خلاف ما بينا
 رغم كل فراق قابلنا
 لسه عايزك
 ما عرفتتش أمحي الذكريات
 ما قدرتش أنسى حب فات
 لسه عايزك
 لو تسمحي لي بفرصة تانية
 أعوضك كل اللي فات
 لو تمنحيني بكلمة منك
 باب أمل يصحي الي مات
 لسه عايزك
 نفسي اضمك تاني ليا
 وتعرفي إني بحبك
 وإن قلبي مش ناسيكي
 وإن نبضه لسه فيه
 بس عشان حبك ماليه
 لسه عايزك

وسط الزحام

لسه شايفك وردة نادية
وان صوتك أحلى غنوة
وسط الزحام
ببقى ناسي كل حاجة
ببقى حاسس بس بيكي
وادوب في نظرة من عنيك
وسط الزحام
وانت مش قدام عينيه
كل حاجة بتبقى مرّة
لكن ببقى تمام لما بتهلّي عليا
وسط الزحام
نفسي بس في نظرة منك
أو ضحكة ترسم شفايفك
وتبيّن الغمّازات
وتصير قلبي الي حبك
وسط الزحام

باب الهوى

ويدق باب الهوى
أقول أنا لأه!!؟
اوعى في يوم تطاوع
القلب من دقة
خليك ثقيل واستنى
يتكلم حبة
دوّقه ميل القلوب
بس حبة بحبة
لو على عقلك هيلين
ده فاضلة تكّة
عيش الحياة وانبسط
مين يجي له اللي يروي
قلبه ويقول لأه

راجع دلوقت

كانت وياك
بتحس هواك
قلبها جواك
تتمنى رضاك
راجع دلوقت
مش كنت بعدت
واخترت وخت
دلوقت فهمت
راجع دلوقت
قلبها ده ملاك
حبها قسّاك
ضعفها قوّاك
ولفترة كان حلمها تنساك
لكن دلوقت
مش فاكر اااااك

في قلبي أمنيات

لسه في قلبي أمنيات
منها إني بشتاق لك ساعات
حافظ في قلبي ذكريات
كل اللي فات
ولسه أماكن للي آت
عقلي بيرفضها ساعات
وبيشوش على شوية حاجات
لكن أنا ..
بحفرها في قلبي من سكات .

جواك إنسان

جواك إنسان
مش سهل وجوده في كل زمان
طيفك حواليا في كل مكان
قلبك ده حنان
في مواقفك حسيته وبيبان
جواك فنان
راسم شوق وجنان وحنان
اتمنى الفرح
وعيش بالجرح
وارسم على وش السما ألوان
واللوحة في قلبك
لونها
القلب هدية م الرحمن

مش نسيك

لسه في قلبي مكان
آه مش نسيك
ولا ناسية هواك
وبرغم فراقك
لسه في قلبي مكان
بيتمنى لقاءك

فرحة

مستنياه..

هيبقى أجمل يوم لنا

صحبتنا تبقى عروسة

فرحة.. وزغاريد.. وزينة

من كل واحدة فينا

معاكي من أول يومك

نلبسك الأبيض بإيدنا

وتبقي قمراية وسطينا

فرحتي بيكي كبيرة

مش هقدر أوصفها بكلمة

واحدة تساعدك في الطرحة

وانا أصورك ييجي كام صورة

وتبقي هدية لعريسك

هتكوني وردة في الكوشة

وهنقطفك من بين إيده

نرقص معاكي في القاعة

ولما تخلص أغنية
أنا هحضنك وابكي شوية
حضني الي يفهمه أنا وانتي
من الفرحة أصلي طول عمري
بتمنى من قلبي ..
اللحظة ديّه

قالوا لها بيحبك

قالوا لها ييحبك
ما خدتش بالها رغم كل حاجة منه
كل شيء منه كان بيقول بحبك
بس هي في وادي ثاني
كلهم أخذوا بالهم إلا هي
وأمّا خلوها تلاحظ
افتكرت كل المواقف الي فاتت
كان بيسيب الكل إلا هي
كان بيحب يتكلم معاها
واقفة وسط أصحابها وردة
هو مش شايف إلا هي
لكن عمره ما قال لها بلسانه ليها
بس هي ..
شافتها في عينه لما كان ببص ليها
وحستها من قلبه الي عمره ما حب غيرها
كان جميل إنه حد يحس بيك
بس هي مش شايفاه غير صديق

ذکریات

لسه في قلبي حاجة ليك
لسه فاكرة الذكريات
ضحكة رايقة
كلمة صافية
غيرة حلوة
موقف .. هدية .. حزن
فرحة .. همسة .. نظرة
بس يا خسارة
هتفضل ذكريات

بَطْمَنَك

مش هكون لحد غيرك
مستحيل أنسى الي بينا
قلبي مش هيكون لواحد
في الكون يا حبيبي بعدك
إنت حب العمر كله
مين يقدر يفرق ما بينا
مهما كانت المشاكل والظروف
بطمنك من كل خوف
قلبي عايش بس بيك
ومش هيكون في يوم غير ليك

ذني حبك

كنت واثق كنت عارف
إنك مش هتكوني ليا
لكن كان أملي الوحيد
إنك بس تحسي بيا
أو يا ريت تحسي حيي
الي عشش جوه قلبي
ومن سنين

ما كنتش شايف حد غيرك
ما كنتش قادر أنسى صورتك
ولاً صوتك .. ولأ قلبك الحنون
وسط قسوتهم عليا وتقطيمهم
يا حبيبي فيا

بالكلام .. والملام
حسسوني بجرم قلبي
وما حسوش هما بجبي
فكروا بس في ذنبي
هو حبك كان بإيدي

أنا فجأة لقيته في وريدي
 وراح قلبي واستخبي جوه روجي
 يبقى ازاي يطلبوا مني إني أنسى
 تفتكروا أنا ممكن أنسى ولا أقسى
 على اللي ردت فيا روجي
 مش هرد غير بجملة ..
 عمري ما هبطل أحبك.

كلام العين

كلام العين ما لو ش آخر
وبجره غويط

عينيك سبقت وقالت
كلام كتير عنك

وعن حبك .. الي محبيه
لكن على مين ..

أنا بفهم يا روجي كلام العين
ومن قبله عرفت حاجات كتير
جواك بأفعالك وبكلامك
وساكت ليه ؟

تكون خايف على قلبي
بإنك يوم هتقسي عليه ؟
لا ما تخاشي

أنا الحنية الي بشوفها
في عيونك تطمني

وبجر الحب الي في قلبك
وظاهر ضيه في عيونك

مال قلبه

ومال قلبه
ولا كان الهوى دربه
ولا كانت في يوم
تخطر على باله
لكن قدره..
وكان نفسه..
تميل هي كمان زِيَّه
وكان يدعي
كثير ربه
تكون هي في يوم ملكه
ومن حظه
ساعتها الدنيا تضحك له
ده يوم سعه
لما حبيبته تكون جنبه

بیتمنی

بيتمنى الرضا ترضى
ويبقى نفسه في النظرة
ولو طلَّه ..
بيحلم حتى بالكلمة
تقولها من شفايفها
تسكِّن قلبه ده شوية
ما هو ملهوف قوي عليها
ونفسه في طلَّه لعنيها
يدوب فيها ..
وتفهم إنه بيريدها
وطالب كمان إيدها
بجلال ربه

محبك

بجيك آه هقولها لك
ومش قادر على بعادك
تغيبي قلبي يشتاك لك
وروجي كتير بتحتاج لك
حبيبتي أنا نفسي يجي
اليوم واكون جنبك
شوفي لك حل في فراقك
خلاص مش باقي غير صورتك
وكل منايا لو اشوفك
ولو صدفة فحني عليا من فضلك
وعلى قلب من زمان عاشقك

ما هوش قادر

ما هوش قادر يقولهالك
مش كنت تدي له الفرصة
ويعترف لك لو مرة
بحب كبير شايلهولك
ونفسه لو يقولهولك
هتخسري إيه ..
بالعكس انتي كسبانة
حبيب عمره ما شاف غيرك
وحس انه من غيرك
ولا حاجة وناقصة كتير
حياته كلها انتي
ومش هيقول في يوم كنت..
ده عاشق والهوى بابيه
فوافقي وادخلي أعتابه
وحني عليه

بِعْتَرَف

بجبك ومش قادرة على بعادك
وبموت ميت مرة في غيابك
بجبك نفسي أقولها لك
واكون لك كل آمالك
واشوفك وانت بتقولها
مش بس بلسانك
لا بعيونك
كلام العين يا حب العمر
ده ساحر وما لو ش آخر

مش صديقي

آه بحبك وانت عارف
وعارفة إنك كنت خايف
رد فعلي على اللي ظهر لي
فجأة منك ..
واللي خبيته سنين
كنت حباك تعترف لي
مش تخبي جوه قلبك
حب عمرك
ليه ده كله !!!
خفت أرفض
طب وليه هو مش باين عليا
إني حابة أبقى جنبك
لأ هقول لك ومش هخبي
أنا نفسي أسكن جوه قلبك

الاسم/ أسماء يحيى إبراهيم

السن / ٣٣ سنة

لم يسبق لي نشر كتاب من قبل

الفهرس

أنا تايه	٥
سرحت فيكي	١٣
آه مجبك	١٧
طعم السُّكَّات	٢١
خبيني من عيون الناس	٢٥
وحشتيني	٢٩
ألبوم صور	٣٣
أوقات كثير بتشد أنا ليه	٣٧
معاك	٤١
ابنك الليلة شهيد	٤٥

- هو بعينها ٥١
- محتاجة لحضنك ٥٥
- بحتاج لك ٥٩
- حد تاني ٦٣
- بحر عنيني ٦٩
- مش أناني ٧٣
- لسه عايزك ٧٧
- راجع دلوقت ٨٩
- في قلبي أمنيات ٩٣
- جواك إنسان ٩٧
- مش نسيك ١٠١
- فرحة ١٠٥
- قالوا لها بيبحك ١٠٩

- ١١٣ ذكريات
- ١١٧ بطمنك
- ١٢١ ذنبي حبك
- ١٢٥ كلام العين
- ١٢٩ مال قلبه
- ١٣٣ بيتمنى
- ١٣٧ بحبك
- ١٤١ ما هوش قادر
- ١٤٥ بعترف
- ١٤٩ مش صديقي
- ١٥٣ الفهرس